



Në bazë të Programit për aktivitetet e Qytetit të Shkupit nga fusha e bashkëpunimit me shoqata civile dhe fondacione për vitin 2018 (Lajmëtari zyrtar i Qytetit të Shkupit numër 27-871/1 të datës 02.01.2018) Qyteti i Shkupit shpall

**Thirrje publike
për grumbullimin e kërkesave
për shfrytëzimin e mjeteve nga Buxheti i Qytetit të Shkupit për vitin 2018,
të destinuara për financimin e aktiviteteve programore
të shoqatave dhe fondacioneve**

Shpërndarja e mjeteve nga Buxheti i Qytetit të Shkupit për vitin 2018 Nënprogrami EO, nënzëri 463190 – Transferime deri te shoqatat joqeveritare, Nënprogrami EO, nënzëri 463110 – përkrahje e iniciativave dhe manifestimeve të shoqatave dhe fondacioneve të destinuara për financimin e aktiviteteve programore të shoqatave civile dhe fondacioneve, do të kryhet në përputhje me Kodeksin e praktikave të mira për përkrahjen financiare të shoqatave civile dhe fondacioneve ("Gazeta zyrtare e RM", nr. 27/871/1), dhe në bazë të Programit për aktivitetet e Qytetit të Shkupit nga fusha e bashkëpunimit me shoqata civile dhe fondacione për vitin 2018 dhe kriterëve dhe prioritetëve të dhëna në këtë thirrje publike.

I. Lloji i projekteve të cilat do të përkrahen

Në suazat e kësaj Thirrjeje publike do të përkrahen nga ana financiare:

a) Aktivitete programore të shoqatave dhe fondacioneve në vlerë të përgjithshme prej 1.500.000,00 denarë, nëpërmjet graveve për projekte nga fushat prioritare të mëposhtme:

- Zhvillimi i qëndrueshëm i Qytetit të Shkupit (efikasiteti energjetik, transporti, burime të ripërtërishme të energjisë, qytet i mençur – inovacione)
- Mbrojtja e ambientit jetësor dhe përkrahja e shprehive të shëndetshme jetësore
- Ngritja e vetëdijes dhe përkrahja e iniciativave për sipërmarrje sociale dhe rinore tek organizatat civile
- Përkrahja e pjesëmarrjes aktive në iniciativat rajonale, projekteve dhe projekteve nga programet europiane
- Ndërtimi i kapaciteteve të shoqatave për përgatitjen e projekteve në përputhje me programet e Bashkimit Europian

Vlera minimale: 60.000,00 denarë
Vlera maksimale: 300.000,00 denarë

b) Manifestime të shoqatave dhe fondacioneve, me vlerë të përgjithshme 500.000,00 denarë, nëpërmjet grave për projekte nga fushat prioritare të mëposhtme:

- Përkrahje e manifestimeve të lidhura me ndryshimet klimaterike
- Përkrahje e manifestimeve për kremtimin e ditëve nga fusha e shëndetësisë
- Përkrahje e manifestimeve dhe evenimenteve me rëndësi për Qytetin e Shkupit
- Dita e shoqatave dhe fondacioneve;

Vlera minimale: 30.000,00 denarë
Vlera maksimale: 150.000,00 denarë

2. Korniza kohore dhe mjetet e përgjithshme të parashikuara/të arritshme

Mjetet kanë të bëjnë për vitin 2018.

Shfrytëzimi i mjeteve të ndara do të specifikohet në Kontratën ndërmjet shoqatës/fondacionit dhe Qytetit të Shkupit.

3. Kriteret themelore organizative

Kriteret themelore organizative që duhet t'i plotësojnë shoqatat dhe fondacionet që marrin pjesë në këtë thirrje janë:

- Të jenë të regjistruara në përputhje me Ligjin për shoqatat civile dhe fondacione me seli në Shkup;
- Të mos kenë fituar mjete ose të kenë deponuar fletëparaqitje nga/pranë ndonjë organi tjetër të administratës shtetërore ose burime të tjera për qëllimin e njëjtë dhe aktivitetet për të cilat deponojnë fletëparaqitje, që do të nënkuptonte financim të dyfishtë të aktiviteteve të njëjta nga burime të ndryshme.

4. Vlerësimi i kualitetit të projekteve

Vlerësimin e kualitetit të projekteve të shoqatave dhe fondacioneve të cilat plotësojnë kriteret themelore organizative, do të bëhet në bazë të kritereve programore vijuese:

Kritere	Pikët maksimale
1. Struktura organizative dhe resurset	40
1.1. A kanë shoqata civile dhe fondacioni strukturën e nevojshme dhe resurset humane për realizimin e projektit (të punësuar, vullnetarë aktiv, persona të angazhuar me honorar, përfaqësim të balancuar të grave dhe burrave në organizatë)	10
1.2. Profesionistë që marrin pjesë në realizimin e projektit	10
1.3. A disponon shoqata civile dhe fondacioni me ambiente zyrash dhe pajisje teknike për realizimin e projektit	10
1.4. A e tejkalon buxheti vjetor i shoqatës dhe fondacionit për vitin e fundit të kalendarit vlerën e grandit	
2. Bashkëfinancimi i projektit	10
2.1. A siguron shoqata dhe fondacioni përqindje të pjesëmarrjes së saj në realizimin e projektit	10
3. Kualiteti i projektit	50
3.1. Sa qëllimi i përgjithshëm i projektit do të kontribuojë drejt realizimit të prioriteteve të dhëna, sa është i qartë dhe i përcaktuar në mënyrë adekuate	10
3.2. Zgjidhje kualitative dhe inovative të ofruara në propozim - projekt	10
3.3. Sigurimi i përfshirjes së institucioneve dhe organizatave të tjera	10
3.4. A është i qartë dhe i realizueshëm plani për realizimin e projektit	10
3.5. A është real plani financiar i propozuar (përshkrimi i shpenzimeve nëpër kategori, pozicione përshtatet me çmimet e tregut).	10

Çdo fushë e kritereve të veçanta programore do të vlerësohet me 1 pikë, 5 pikë ose 10 pikë, me këtë kuptim: 1-jo; 5-pjesërisht dhe 10-po.

5. Dokumentacioni i nevojshëm të cilin shoqata/fondacioni duhet ta deponojë së bashku me Fletëparaqitjen për përkrahje financiare të shoqatave dhe fondacioneve.

Përveç Fletëparaqitjes për përkrahje financiare të shoqatave dhe fondacioneve, që duhet të plotësohet (me shkronja të shtypit në alfabetin cirilik), të nënshkruar nga ana e përfaqësuesit të shoqatës ose fondacionit dhe të verifikuar me vulë të shoqatës ose fondacionit, shoqata ose fondacioni detyrimisht duhet t'i deponojë dokumentet e mëposhtme:

- Statuti i shoqatës ose fondacionit;
- Fotokopje e vendimit për regjistrim të shoqatës ose fondacionit;
- Formular i plotësuar kompjuterik për Propozim projektin;
- Raport për mjetet e fituara nga Buxheti i Qytetit të Shkupit në vitin e kaluar fiskal si dhe mënyrën e realizimit (nëse organizata ka qenë shfrytëzues i mjeteve të ndara nga Buxheti i Qytetit të Shkupit për vitin 2017);
- Raport vjetor të shoqatës ose fondacionit për vitin 2017;
- Fotokopje nga llogaria përfundimtare e fundit;
- Vërtetim për tatime të paguara, të lëshuar nga organet tatimore.

6. Dokumentacioni përcjellës

Shoqatat dhe fondacionet si shtojcë mund të deponojnë edhe dokumentacionin përcjellës në vijim:

- biografi profesionale të ekspertëve që do të angazhohen në realizimin e projektit,
- listë referente ose dëshmi (p.sh.:kontratë e nënshkruar) për më së paku 2 projekte të realizuara nga fusha për të cilën aplikohet,
- së paku dy mendime/referenca nga partnerë ose donatorë për realizimin e projekteve të mëparshme, dhe
- përkrahje në formë të shkruar nga organizata të tjera ose institucione për të cilat është planifikuar që të marrin pjesë në realizimin e projektit.

Shoqatat civile dhe fondacionet mund të deponojnë vetëm një fletëparaqitje për përkrahje financiare për projekt ose manifestim.

Vërejtje: Fletëparaqitjet me dokumentacionin jo të plotë ose pas përfundimit të afatit të parashikuar nuk do të shqyrtohen! Shtojcat e deponuara nuk kthehen.

6. Afati dhe mënyra e dorëzimit të fletëparaqitjeve

Afati për deponimin e fletëparaqitjeve është deri më 16.03.2018 deri në orën 15.

7. Periudha e realizimit të projekteve

Deri më 1 (një) dhjetor 2018

Fletëparaqitja me dokumentacionin e plotë duhet të deponohet nëpërmjet postës, në zarf të mbyllur në adresën: **Qyteti i Shkupit, Seksioni për bashkëpunim dhe përkrahje të shoqatave civile dhe fondacioneve, bul. "Ilinden" nr. 82, 1000 Shkup** nëpërmjet arkivit të Qytetit të Shkupit deri në orën 15 (me shënimin – Seksioni për bashkëpunim dhe përkrahje të shoqatave civile dhe fondacioneve – Fletëparaqitje për thirrje publike).

Shoqatat ose fondacionet pjesëmarrëse në thirrjen publike do të njoftohen për rezultatet në një afat prej 10 ditësh nga dita e sjelljes së Vendimit për përcaktimin e mjeteve nga Buxheti i Qytetit të Shkupit për vitin 2018, të destinuara për financimin e aktiviteteve programore të shoqatave dhe fondacioneve.

Fletëparaqitja për përkrahje financiare të shoqatave dhe fondacioneve dhe Formulari për Propozim – projektin, mund të merren në ambientet e Qytetit të Shkupit, Sektori për bashkëpunim dhe përkrahje të shoqatave civile dhe fondacioneve dhe në faqen e internetit të Qytetit të Shkupit www.skopje.gov.mk.

Pyetje për sqarime plotësuese mund të parashtrohen në formë të shkruar ose në formë elektronike deri te Seksioni për bashkëpunim dhe përkrahje të shoqatave civile dhe fondacioneve.

Kontakti: Seksioni për bashkëpunim dhe përkrahje të shoqatave civile dhe fondacioneve, Tel: (02) 3 207-506, e-mail adresa: antonio.karalanov@skopje.gov.mk saranda.bekiri@skopje.gov.mk.